

**ORDENANZA FISCAL Nº2 REGULADORA DA
TAXA POR RECOLLIDA DO LIXO**

FUNDAMENTO E NATUREZA

Artigo 1:

No uso das facultades concedidas polos artigos 133.2 e 142 da Constitución, e polo artigo 106 da Lei 7/1985, de 2 de abril, reguladora das Bases do Réxime Local, e de conformidade co disposto nos artigos do 15 ó 19 do Real Decreto Lexislativo 2/2004, de 5 de marzo, polo que se aproba o texto refundido da Lei Reguladora das Facendas Locais, este Concello establece a Taxa por RECOLLIDA DO LIXO, que se rexirá pola presente Ordenanza Fiscal, atendendo as súas normas ó previsto no artigo 57 da citada Lei 2/2004.

FEITO IMPOÑIBLE

Artigo 2:

1.- Constitue o feito imponible da Taxa a prestación do servizo, de recepción obrigatoria, de recollida do lixo domiciliario e residuos sólidos urbanos de vivendas, aloxamentos e locais ou establecementos onde se exerzan actividades industriais, comerciais, profesionais, artísticas e de servizos, así como calquera outro uso dos especificados nas tarifas, sempre e cando o contenedor de residuos non diste máis de 250 m. dos inmobles e sexa posible ter un en distancia máis próxima.

2.- A tal efecto, considérase lixo domiciliario e residuos sólidos urbáns os restos e desperdicios de alimentación ou detritus procedentes da limpeza normal de locais ou vivendas e se exclúen de tal concepto os residuos de tipo industrial, entullos de obras, detritus humanos, materias e materiais contaminados, corrosivos, perigosos ou dos que a súa recollida ou verquido esixa a adopción de especiais medidas hixiénicas, profilácticas ou de seguridade.

SUXEITOS PASIVOS

Artigo 3:

1.- Son suxeitos pasivos contribuintes as persoas físicas ou xurídicas e as entidades as que se refire o artigo 35.4 da Lei Xeral Tributaria, que ocupen ou utilicen as vivendas e locais localizados nos lugares, prazas, rúas e vías públicas nas que se preste o servizo, xa sea a título de propietario ou de usufructuario, habitacionista, arrendatario, ou incluso en precario.

2.- Terá a consideración de suxeito pasivo substituto do contribuinte o propietario das vivendas ou locais, que poderá repercutir, no seu caso, as cotas satisfeitas sobre os usuarios de aquelas, beneficiarios do servizo.

RESPONSABLES

Artigo 4:

1.- Responderán solidariamente das obrigacións tributarias do suxeito pasivo as persoas físicas e xurídicas ás que se refiren os artigos 41 e 42 da Lei Xeral Tributaria.

2.- Serán responsables subsidiarios os administradores das sociedades e os síndicos, interventores ou liquidadores de quebras, concursos, sociedades e entidades en xeral, nos supostos e o alcance que sinala o artigo 43 da Lei Xeral Tributaria. Serán responsables subsidiarios os administradores

BENEFICIOS FISCAIS

Artigo 5:

Só se admitirán nesta Taxa as exención e bonificacións que veñan establecidas en Tratados ou Acordos Internacionais, ou en normas con rango de Lei.

COTA TRIBUTARIA

Artigo 6:

A cota desta Taxa á que fai referencia o artigo 6, será a expresada no anexo nº1 adxunto, en función da actividade desenvolvida.

As tarifas relacionadas no anexo nº1 serán de aplicación sempre que non excedan de 150 litros diarios de residuos.

A partir de 150 litros diarios, cobrarase a razón de 0,01 euros por litro e día, previo informe do Xefe do Servizo.

a) Nos supostos non previstos nas tarifas se facturará por similitude.

b) Facúltase á Xunta de Goberno Local, previo informe do Servizo, para establecer concertos especiais de recollida de residuos, cunha bonificación do 30% e con unha cota mínima anual de 300,50 euros. Tamén se faculta á X.G.L. para a actualización dos prezos dos convenios na mesma porcentaxe que a acordada para o incremento das tarifas da ordenanza.

Nos inmobles onde coexistan dúas ou máis actividades ou usos dos especificados nas Tarifas da Ordenanza tributarán pola tarifa máis alta que lles corresponda.

As comunidades de garaxes con máis dunha pranta ou que integren edificios con división horizontal propia, facturárase sumando os importes que lles correspondería a cada un dos edificios ou prantas por separado.

Á cuota tributaria resultante das tarifas da presente Ordenanza, aplicarase un coeficiente de ponderación do 0,50 en base á capacidade económica do suxeito pasivo, de conformidade co establecido no artigo 24.4 do RDL 2/2004, no suposto en que se cumpran os seguintes requisitos:

- Cando os ingresos totais anuais, prorrateados por meses, non superen o SMI.
- E non se dispoña de máis propiedades que a vivenda onde residan.

Para as unidades familiares de convivencia nas que os ingresos mensuais prorrateados superen a referencia do SMI, aplicarase o coeficiente exposto cando o importe dos devanditos ingresos, na parte que exceda do SMI, dividida entre o número de membros (excluído o perceptor), non supere os 100,00 €, conforme á seguinte fórmula:

Importe ingresos mensuais prorrateados – SMI = exceso

Exceso : N° de membros (excluído o perceptor) = menos de 100,00 euros

A redución exposta terá carácter rogado debendo adxuntar á solicitude a documentación que sexa requerida polos servizos sociais do Concello, así como xustificante de estar ó corrente de pago nos tributos municipais, e surtirá efectos a partir do período de facturación seguinte a aquél no que se solicite.

DEVENGO

Artigo 7:

1.- Devéngase a Taxa e nace a obrigação de contribuir dende o momento no que se inicie a prestación do servizo, entendéndose iniciada, dada a natureza de recepción obrigatoria do mesmo, cando esté establecido e en funcionamento o servizo municipal de recollida do lixo domiciliario nas rúas ou lugares onde figuren as vivendas ou locais empregados polo contribuintes suxeitos á Taxa.

2.- Establecido e en funcionamento o referido servizo, as cotas devengarase o primeiro día do período que sinala a tarifa da Taxa, ou no seu caso, na data na que se realice o feito imponible, de conformidade co establecido na Disposición Adicional Primeira.

DECLARACION E LIQUIDACION

Artigo 8:

1.- A Taxa liquidarase cando se presente a solicitude de alta no padrón correspondente.

2.- Se se emprega o servizo sen mediar solicitude darase de alta de oficio no padrón, liquidarase e notificarase a mesma ós interesados sen perxuízo da apertura do correspondente expediente sancionador por infracción tributaria.

3.- Unha vez producida a alta no correspondente padrón a liquidación desta Taxa acomodarase ó procedemento previsto para o valores recibo (padrón, censo, matrícula, etc...).

INGRESO

Artigo 9:

1.- As cotas desta Taxa liquidarase e esixiranse no momento de presentar a correspondente solicitude polo períodos non declarados, producíndose o alta no correspondente padrón.

2.- Unha vez producida a alta, a Taxa exaccionarase por padrón esixíndose o importe da mesma semestralmente, ou ben no que determine o Alcalde-Presidente ou a Xunta de Goberno Local, nos prazos previstos no artigo 20 do Regulamento de Recadación ou no que sinala a Alcaldía-Presidentencia.

3.- O ingreso efectuarase na Tesourrería Municipal ou no lugar que determine o Alcalde-Presidente ou a Xunta de Goberno Local.

INFRACCIÓNS E SANCIÓNS

Artigo 10:

En todo o relativo á calificación de infraccións tributarias, así como das sancións que ás mesmas correspondan en cada caso, estarase ó disposto na Lei Xeral Tributaria.

DISPOSICIONS ADICIONAIS

PRIMEIRA.- DECLARACION DE ALTA

Os promotores ou propietarios do inmovible están obrigados a efectuar a declaración de ALTA no Padrón Fiscal da Taxa, e surtirá efectos o primeiro día do mes seguinte de obter a licenza de 1ª ocupación ou fin de obra se o réxime de propiedade é VERTICAL. Se fora HORIZONTAL, surtirá efectos ós dous meses a contar do seguinte a obter a licenza de primeira ocupación ou fin de obra.

O inicio de actividades económicas (empresariais, profesionais ou artísticas) surtirá efectos o primeiro día do mes seguinte ó seu inicio.

Se presume que o propietario dun local ou vivenda é o beneficiario do servizo e, por conseguinte, o suxeito pasivo contribuinte. Como tal, está obrigado a presentar no Concello a solicitude de ALTA, dentro dos TRINTA DÍAS seguintes a que esté finalizada a construción do edificio, ou se empece a prestar o servizo de recollida de lixo na rúa ou zona onde esté ubicada ou adquera a propiedade por calqueira título intervivos ou mortis causa. Se lle incluíra no Padrón da Taxa na súa condición de suxeito pasivo contribuinte e se lle extenderán os recibos periódicamente.

SEGUNDA.- Non obstante, cando o local ou vivenda, sexa ocupado por persoa física, xurídica ou entidades ás que se refire o artigo 35.4 da Lei Xeral Tributaria, distinta do propietario, o usuario beneficiario do servizo será o suxeito pasivo contribuinte e o propietario o suxeito pasivo substituto.

Como tal substituto, o propietario, terá a obriga de pagar a Taxa e formular a declaración da Disposición Adicional Primeira.

Cando cambie a actividades que se realice no local ou vivenda, o propietario está obrigado a declaralo ó Concello, para que se practique a oportuna liquidación da Taxa e quede constancia do feito nos citados documentos cobratorios.

TERCEIRA.- O pago da Taxa, efectuado polo suxeito pasivo contribuinte, dentro do prazo voluntario, exime ó suxeito pasivo substituto de facelo él. Nembargantes, se o pago non se realiza dentro do prazo voluntario, a acción de cobro pola vía executiva, dirixirase en primeiro lugar ó substituto.

CUARTA.- DECLARACIÓN DE BAIXA E VARIACIÓNS

1.- Os suxeitos pasivos substitutos do contribuínte formularán a DECLARACIÓN DE BAIXA OU VARIACIÓNS no Censo ou Padrón da Taxa e surtirá efectos no período natural seguinte ó de facturación.

2.- Os suxeitos pasivos e, no seu caso, o substituto do contribuínte, estarán obrigados a comunicar as variacións de orde físico, xurídico ou económico que se produzan nos inmoibles ou actividades gravadas pola taxa. Ditas comunicacións deberán efectuarse antes de que finalice o período natural de facturación que esté establecido e, en todo caso, dentro dos 15 días naturais seguintes ó mesmo.

O incumprimento do disposto no apartado anterior conlevará a obriga do pago da taxa sen que se teñan en conta ditas alteracións.

DISPOSICION FINAL

A presente Ordenanza Fiscal, aprobada a súa redacción polo Pleno da Corporación en sesión celebrada o día 6 de novembro de 2008, entrará en vigor o día 1 de xaneiro de 2009, permanecendo en vigor ata a súa modificación ou derogación expresas.

Fechas anteriores modificacións:

PUBLICADO BOP (modificación tarifas): 28/12/2000
PUBLICADO BOP (modificación tarifas): 17/12/2001
PUBLICADO BOP (modificación tarifas): 30/12/2002
PUBLICADO BOP (modificación tarifas): 29/12/2003
PUBLICADO BOP (modificación tarifas): 29/12/2004
PUBLICADO BOP (modificación tarifas): 28/12/2005
PUBLICADO BOP (modificación tarifas): 27/12/2007

Fecha modificación actual:

PUBLICADO BOP: 26/12/2008

ANEXO Nº1

	€/mes
TARIFA A - CLAVE 1 Almacéns auxiliares, arquivos, asociacións de veciños, bebidas alcohólicas-almacén, churrerías, corte e confección-academia, establecementos menores en portal, garaxe de autobuses, garaxes comunitarios (un edificio ou planta) e garaxes particulares para máis de 3 vehículos, quioscos, madeiras-almacéns, modistas-taller, postos exteriores na praza de abastos, revistas e xornais, xastrerías-taller	9,30
TARIFA B - CLAVE 2 Centro asistencial, postos ambulantes no mercadiño da praza de abastos e arredores, garaxes particulares ata 3 vehículos.	6,60
TARIFA C - CLAVE 3 Avogado-despacho, academia, alfándegas-axencias, alimentación taberna-servicio, alimentación tenda x.r.-venta polo miúdo, aluguer coches sen conductor, antigüidades-venta polo miúdo, aparelador-estudio, arquitectos-estudio, asesoría, , asociación de amas casa, autoescolas-academias, automóbil-exposición, barberías, bares, bazares-venta polo miúdo, bicicletas e motocicletas-exposición, bicicletas-venta polo miúdo, quincalla-venta polo miúdo, bolsos-venta polo miúdo, calzado reparación-taller, calzados-venta polo miúdo, cámara oficial de comercio, camisería-venta polo miúdo, carnicerías, casas de oficios, centro psicotécnico, cestería-venta polo miúdo, ferrallerías, club xubilados, confraría pescadores, comercio de bolsos e maletas, confeccións-exposición, confeccións-venta polo miúdo, cofeitería pastelería-venta polo miúdo, construción contratistas, contabilidade oficinas, corredores de comercio, coiro diverso-venta polo miúdo, decoración, delegacións xornais-oficinas, deportes-venta polo miúdo, despacho e vivenda, dietética e nutrición, discos e cassetes-venta polo miúdo, elaboración p. cárnicos, ensino-academia, estudio, exposicións en xeral, extensión agraria, federación de empresarios, florería-exposición, fontanería-taller, gases combustibles-oficinas, lambetadas-venta polo miúdo, graduado social-oficina, alabardería e talabarterías, facenda-delegación, hostais e hospedaxes 1 pranta, idiomas-academias, importación-exportación axencia, INEM-instituto nacional de emprego, instrumentos musicais-venta polo miúdo, xardíns de infancia-garderías, xoiería e pratería-venta polo miúdo, xoiería e relojería-venta polo miúdo, xogueterías venda polo miúdo, candeeiros-venta polo miúdo, lás-venta polo miúdo, lapidarios-taller, lavandeirías, leite e derivados-despacho, lencería, louza e cristal-exposición, louza e cristal-venta polo miúdo, maquinaria-exposición, médico e vivenda, mercerías-venta polo miúdo, montaxes eléctricos-oficina técnica, motocicletas-venta polo miúdo, moblerías-exposición, música-academia, notaría, nutrición e dietética-venta polo miúdo, obras novas urbanas-venta, oficina representacións, oficinas, ópticas, ordenadores-venta polo miúdo, organización nacional de cegos, ouro compra-venta, tendas de paxaros, pandespachos, partidos políticos-oficinas, parvulario, perruquería cabaleiros, perruquería donas, perruquería donas e cabaleiros, perruquería e vivenda, perruquería-academia, peles-venta polo miúdo, prendas punto-venta polo miúdo, profesionais-despacho, psicólogo-consulta, quincallas-venta polo miúdo, quioscos, radio-xoguetes-venta polo miúdo, recadación de tributos-oficina, agasallos-venta polo miúdo, relojería-venta polo miúdo, revistas e xornais-venta polo miúdo, roupa fogar-venta polo miúdo, salóns de beleza, seguros sociais-oficinas, seguros-oficinas, servicios diversos-empresa, subministro eléctrico-oficinas, tabernas, tecidos-venta polo miúdo, teléfono-s.p., teléfonos e radio-instalación, teléfonos-venta polo miúdo, tinturerías, Locais sindicais, ventido tocado-venta polo miúdo, viaxes-axencias, viños-venta polo miúdo	15,30
TARIFA D - CLAVE 4 Animais e prantas-venta, Fertilizantes-venta polo miúdo, alimentación-venta polo miúdo, análises clínicas, laboratorios, aparatos eléctricos-reparación, auditorio, bicicletas reparación-taller, café-bar, carpintería non mecánica-taller, cementos-venta polo miúdo, centro control medio mariño, cereais-venta polo miúdo, cetarias, clínica dental, cociñas-venta e instalación, conxelados-venta polo miúdo, consignatarios de buque-oficinas, copistería, cristalerías-venta polo miúdo, depuradora, droguerías-venta polo miúdo, efectos navais-venta polo miúdo, electrodomésticos-venta polo miúdo, electrónica e r.t.v. comp.-venta polo miúdo, farmacéuticos-laboratorios, farmacias, farmacias e ópticas, ferraxerías-venta polo miúdo, fincas urbanas-administración, formación profesional-colexio, fotografía-estudio, fotografía-laboratorio, fotografía-venta polo miúdo, froitas e verduras-venta polo miúdo, xestorías, ximnasios, billame e similares- venda polo miúdo, hamburguesería, xela-	21,05

<p>dería, xelo-fábrica de, fogar xuvenil, hostalería-venda maquinaria, inmobiliarias-axencias, instituto n. ensinanza media, xabóns e lixivias-venda polo miúdo, xoiería-taller, librerías, madeiras-venda polo miúdo, maquinaria agrícola-venda polo miúdo, maquinaria eléctrica-venda polo miúdo, materiais tec-industriais-venda polo miúdo, materiais de construción-venda polo miúdo, materiais eléctricos-almacén e oficinas, materiais sanitarios-venda polo miúdo, material construción-almacén, material eléctrico-venda polo miúdo, material oficina-venda polo miúdo, médicos-consulta, monopatíns a motor-venda polo miúdo, motocicletas reparación-taller, mobles de cociña-venda polo miúdo, oficinas mat. e subministro-venda polo miúdo, ortopedia, paquetería-venda polo miúdo, patacas e verduras-venda polo miúdo, perfumerías-venda polo miúdo, pizzería, protésico dental-taller, portas e fiestras-venda polo miúdo, refrescos-cervexas-auga-almacén, relojería-taller, rótulos-taller de, sanitarios artigos-venda polo miúdo, saunas e masaxes, sociedade de recreo (*), seguridade e hixiene-centro de, soldadura-venda polo miúdo artigos, subministrados industriais, tabacos expendeduría, tabacos-administración, torneiro-taller, ultramarinos-venda polo miúdo, veterinaria-consulta, video club, viños e bebidas refrescantes-venda polo miúdo.</p> <p>(*) Club de Tenis/Piscina Municipal.</p>	
<p>TARIFA E - CLAVE 5 Acristalamiento edificios-taller, axuste-taller, almacén frigorífico, automóbil-exposición e venda, automóbil-lavado e engraxe, automóbil-reparación rodas, automóbil-taller chapa pintura, automóbil-taller eléctrico, automóbil-taller mecánico, autorreposto-venda polo miúdo, autoservicios, autoservicios con carnicería e peixes, bar e xogos recreativos, fábrica de bloques, caldeiría-taller, calefaccións, cámaras e cubertas-venda e reparación, camiós-exposición e venda, carburantes lubricantes-venda polo miúdo, carpintería metálica-taller, cerraxería e ferrería-taller, cinematógrafos, comedor personal, confección-taller, correos e telecomunicacións, cadros e molduras-taller, cordas-fábrica, cultivo de ostra, decoración-taller, depuradora, ebanistería e carpintería-taller, electricidade-taller, electrolisis cinc-taller, escobillas-fábrica de, fábrica de conxelados, ferrallistas-taller, florerías, fontanería calefacción, taller, forxados e viguetas-fábrica de, frigoríficos-cámaras, frío-taller reparación, garaxes servizo público, gases combustibles-almacén e venda, gasosas e sifóns-fábrica de, instalacións eléctricas alta baixa tensión-taller, instalacións eléctricas-taller, xoiería e pratería-fábrica de, cogos recreativos, ladrillo-fábrica de, lanchas e motoras-fábrica de, maquinaria industrial-reparación e venda, mariscos e peixes-venda, marmorería-taller, motores mariños-taller, moblerías-venda polo miúdo, obradoiro e venda pastelería, oficinas e taller, pan e bolos-fábrica de, parquet-fábrica de, pastelería ou confeitaría-fábrica de, peixerías, pompas fúnebres, practicantes-clínica, portas e persianas-venda polo miúdo, queixos e manteigas-fábrica de, radio-emisoras, remolques-fábrica, soldadura e forxa-taller, taller de reixas e enreixados, taller granitos, taller mecánico, taller mecánico naval, taller reparación bombas inxectoras, tapicería-taller, teatros, transportes-axencia.</p>	<p>24,80</p>
<p>TARIFA F - CLAVE 6 Abonos fertilizantes-venda por xunto, asfaltos-venda por xunto, autorreposto-venda por xunto, bebidas-venda por xunto, calzados-venda por xunto, carburante lubricantes-venda por xunto, casas comidas, cementos-venda por xunto, cereais-venda por xunto, coloniais-venda por xunto, confeccións-venda por xunto, cristalerías-venda por xunto, deportes-venda por xunto, droguerías-venda por xunto, elaboración e envasado viños-venda por xunto, embarcacións-venda por xunto, ferraxerías-venda por xunto, froitas-venda por xunto, xoerías e praterías-venda por xunto, limpeza-venda por xunto produtos, loterías-administración, lubricantes-almacén venda por xunto, madeiras-venda por xunto, maquinaria agrícola-venda por xunto, maquinaria eléctrica, venda por xunto, marcos e pintura-venda por xunto, materiais construción-venda por xunto, material eléctrico-venda por xunto, motocicletas-venda por xunto, moblerías-venda por xunto, paquetería-venda por xunto, peixe-venda por xunto, peles pais-venda por xunto, prefabricados, produtos químicos-almacén, quinielas-administración, recubrimentos pisos-venda por xunto, relojería-venda por xunto, restaurantes, sal-venda por xunto, sanitarios artigos-venda por xunto, tecidos-venda por xunto, viños-venda por xunto</p>	<p>28,60</p>
<p>TARIFA G - CLAVE 7 Alimentación produtos-venda por xunto, almacén xeral-venda por xunto, industrias transformadoras de peixe e/ou marisco (conserveiras/depuradoras/cocedeiros/etc.), asfaltos-elaboración, estaleiros, automóbil-taller xeral e ITV, baldosas terrazos pavimentos-fábrica de, barras americanas, bombas de fluidos-fábrica de, café-teatro, cafeterías especiais, carrocerías-fábrica de, cepillos-fábrica de, churrascos, clínica, conservas-fábrica de, construcións metálicas-fábrica de, depósitos-fábrica de, diálisis-centro de, disco-bar, economatos-empresas, envases metálicos-fábrica de, estación autobuses, fundicións e aleacións-fábrica de, imprenta-taller, imprentas e papelerías, industria metal,</p>	<p>34,40</p>

maquinaria industria conserveira-taller, motores mariños-fábrica de, mobles-fábrica de, plásticos-fábrica de, produtos lácteos-fábrica de, pub, recuperación estaño-fábrica	
TARIFA H - CLAVE 8 Discotecas, salas de festas, salóns de baile, Pavillóns feriais	42,25
TARIFA I - CLAVE 9 Bancos, caixa postal, caixas de aforros	49,55
TARIFA J - CLAVE 10 Ambulatorio, bingos, sanatorios, supermercados	68,60
TARIFA L - CLAVE 12 Galpón trasteiro, almacén trasteiro, local trast., misioneiros residencia, residencia monxas, vivenda, local baleiro, casas turismo rural, apartahotel (por cada apartamento)	8,00
TARIFA CH - CLAVE 28 Colexio 1 planta	15,30
TARIFA LL - CLAVE 29 Colexio 2 plantas	30,40
TARIFA P - CLAVE 30 Colexio 3 plantas	45,80
TARIFA Q -CLAVE 50 Hostais e hospedaxes 1 planta	15,25
TARIFA R - CLAVE 51 Hostais e hospedaxes 2 plantas	30,40
TARIFA S - CLAVE 52 Hostais e hospedaxes 3 plantas	45,80
TARIFA T - CLAVE 53 Hoteis 1 planta	21,05
TARIFA U - CLAVE 54 Hoteis 2 plantas	41,90
TARIFA V - CLAVE 55 Hoteis 3 plantas	62,95
TARIFA X - CLAVE 56 Hoteis 4 plantas	83,95
Para calquera outro uso non especificado nas tarifas facturarase por similitude, previos os informes dos Técnicos Municipais.	